



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Archiuo Episcopali.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

gata, sæpiusque suis certis diebus repetita, accuratius in executionis
vsum inducantur, ac retineantur.

10 Cùm vel sanctiones pontificias, vel decreta Conciliaria, vel li-
teras, constitutionesue Episcopales, vel aliquid eiusdem generis pro-
mulgari, aut populo enunciari, de scriptoque legi iussum est, vt vbeno-
rem fructum ferant, ac studiosius ad executionis vsum illæ introdu-
cantur; Episcopus, concionatores, qui in vrbe sunt, Parochi verò Diœ-
cesani, si quos in suæ Parochialis Ecclesiæ finibus habent, eos diligen-
ter hoc præmonere studeant, vt quod fidelibus enunciandum est, idem
illi inter concionandum cohortationibus adiuuent.

Hoc verò cohortandi munus ipsi etiam Parochi studiosè semper
præstent.

11 Liber fiat, in quo singula diplomata, siue Summorum Pontificum
siue Imperatorum, siue Regum, Principumue sint, quæ ad Ecclesiæ il-
lius priuilegia, iura, aliaue id generis quouis modo pertinent, rectè, ac
que ordinè describantur.

Qui liber in Armario, certo archiuū loco, diligenter asseruetur.

12 Episcopus, id quod vel ab initio nascentis Ecclesiæ institutum fu-
it, vt rerum Episcopali studio, curaque gestarum monumenta existeret,
conquiri diligentissimè curet; tùm singulorum Episcoporum, qui præ-
cesserunt nomina, genus, & pastorales eorundem actiones. Quæ om-
nia litteris consignati, ordineque conscripta, in librum certum referri
curet, vt eorum memoria conseruetur; & quæ ab iisdem, vel acta, vel
instituta sunt, ad aliquam Ecclesiasticæ disciplinæ normam perpetuò
vsi esse possint, atque adiumento in illa Ecclesia benè gerenda.

13 Episcopus in vrbe sua viros aliquos, auctoritate præstantes, spi-
ritualis vitæ studiosos deligat, quorum adiumento, & opera vi possit, &
in ijs cognoscendis, quæ ad Ciuitatis, Diœcesisque suæ morum institu-
tionem pertinent, & in adiupandis Christianarum virtutum exercita-
tionibus, & in alijs denique quibus populi sibi commissi progressio,
fiat ad sanctè agendi studium.

3. De ijs, que
ad Episc. for.
pert.

De Archiuio Episcopali.

S V M M A R I V M.

- 1 Archiuium, quod Episcopo, & Capitulo Cathedralis Ecclesiæ commu-
ne sit, instituendum.
- 2 Illud clauibus duabus occludendum: & à quibus illo custodienda.
Cuique

- 3 *Chique ille, sede Episcopali vacante, tradende.*
- 4 *Archiuo in ipso certus constituendus locus, ubi causarum Codices, & alia recondantur: isque locus quot clauibus claudendus, & a quibus ille tenenda. 5.*
- 6 *In illud scripta, & instrumenta, actaque omnia à Cancellario Notarioue amoto, defunctone consecuta, deferenda: dictaque testium, & que alia consignanda. 8. De foro Episc. nu. 11. 12.*
- 7 *A quo exscribenda ipsa Archiuu exemplaria.]*
Inuentaria bonorum & iurium Ecclesiarum, piorumque locorum, in eo retinendum, librique, Codices, & monumenta, vt infra sequitur, asseruanda, 43. Quæ pert. ad bonorum, nu. 1. & 2.
Monimenta festorum dierum. De fest. dier. cultu. 30.
Liber eorum, qui fidei professionem emisissent in Diœcesana Synodo, emittentque. De fidei profess. nu. 4.
Liber Reliquiarum recognitarum. De sanctorum Reliquiis. 4.
Scripta, monumentaque ad eas pertinentia. Ibid. 34.
Liber Indulgentiarum perpetuo, vel ad tempus Ecclesijs concessarum. De Indulgentiis, nu. 7.
Liber Altarium, onerum, iuriumque ad ea pertinendum. De Eccl. fab. 76.
Liber Consecrationum Ecclesiarum, Altarium, Cœmiteriorum, & Campanarum. De Eccl. Consecrat. 6.
Liber Diœcesanorum beneficiorum, isque qualiter consecutus. Quæ ad benef. collat. 35.
Liber ordinatorum. Ibidem.
Alter, in quo testificationes ordinandorum summam relatae sint, Quæ ad ordinis sacr. &c. 61.
Liber pœnarum, & multarum, solutionisque earundem. De foro Episc. 20.
Liber diplomatum Pontificiorum, & Imperatorum, Regumque & quorum. De Iurisd. Episc. 11.
Liber legatorum annuorum cum oneribus adiunctis. De piorum locorum. &c. 19.
Libri impressi, & recogniti. De edit. & usu sac. lib. 8.
Attestatio promulgationis decreti Concilij Tridentini, de Matrimonijs clandestinis. Quæ ad sacr. Matrim. pert. 30. in fi.
Testimonium professionis emissæ. Quæ ad ord. sacr. 26.

1. Quæ pert.
ad bonorū &
iurium, &c.

2. Tit. 2. dec.
14.

3. De ijs, quæ
ad Episc. for.
pert.



T verò in quibus Ecclesijs, vel Cathedralibus, vel Collegiatis Archiuum eiusmodi non sit, ab Episcopo instituat. initium huius decreti videatur Quæ ad bonorum &c. nu. 2.

Archiuia singula duabus clauibus occludantur. Cum primum aliquis huius provincie Episcopus mortem obierit, Archiuij Episcopalis clauis Notarij publici fide, vna Capituli Vicario, altera vni de Capitulo, ad quem, vel officij ratione, vel consuetudine pertinet, si que nemo talis est, alij antiquiori residenti tradatur; ab eisdemque vna, & item altera asseruetur, quò ad alius Episcopus creabitur, cui illas restituant, & rationem de scriptis in inuentario notatis, eorumque custodie commissis, eidem reddant.

4 Certus in Archiuio Episcopali locus constituatur; vbi causarum ac iudiciorum Codices, instrumenta, acta, scriptaue alia, a Cancellario, & Notarijs fori Episcopalis, ad ipsum forum pertinentia singulis annis confecta, quotannis recondantur; ita vt inde, cum vltu venerit, promissa possit, quicquid in Ecclesiastico foro vniquam agitatum erit.

5 Is certus Archiuij locus duabus clauibus claudatur; quarum vna Episcopus, alteram eius Cancellarius habeat.

Notario autem instrumentorum, quæ confecit, exemplum, idque sumptibus suis habere, aut retinere liceat.

6 Si Cancellarius, Notariusue aliquis decesserit, vel ab officio se abdicarit, amotusue sit, quæcumque ille, vel instrumenta, vel scripta, vel acta eiusmodi confecit, statim Episcopi iussu in eundem locum deferantur. Quod si processus alicuius causæ nondum sit completus, & causam, ob quam confectus est, partes prosequantur, eius in Archiuum delatio deferri poterit, quò ad causa sit peracta.

7 Ex Archiuij tabellis, exemplaribusue, si quæcumque acta, aut instrumenta, quæ Notarij manu, signoque munita, fidem faciant, exscribi contigerit; is, qui rogatus Notarius illa confecit, si uiuit, vt operis sui emolumenta consequatur, eorum exemplum, modo edi liceat, ipse conficiat, si præsens est; si verò abest, id seruetur, quod iure canonicum est: sin autem obijt, id Episcopalis Cancellarius præster: mercedem autem inde capiant notarij hæredes; nisi aliter inter Episcopum, & Notarios conueniatur.

Quæ desunt huic titulo, videantur in Tit. de Archiuio Capitulari de foro Episcopali, De Cancellario, &c.

Quæ ad sacramentum matrimonij pertinent.

SVM-